



UGOVOR

o javnoj nabavci opreme sistema tehničke zaštite za videonadzor i protuprovalu

KJKP Sarajevogas d.o.o., Sarajevo,
ul. Trg Fadile Odžaković Žute br. 4, 71000 Sarajevo,
Koga zastupa: Direktor Preduzeća mr.sc. Nihada Glamoč, dipl.ing.maš., (u daljem tekstu: Kupac)

i Agencija za zaštitu ljudi i imovine Sword Security d.o.o.,
ul. Alipašina br.83, 71000 Sarajevo,
Koga zastupa: Direktor Dijana Dalipagić Younis, (u daljem tekstu: Prodavac)

Član 1.

Predmet ovog ugovora je nabavka opreme sistema tehničke zaštite za videonadzor i protuprovalu, po konkurentskom zahtjevu za dostavljanje ponuda broj KN-05-25/19. Prodavac je dostavio ponudu prema Obrascu za cijenu ponude kupca broj SP-OJ04-KN-05-25/19 - Anex III)

Sadržaj i vrijednost robe iz stava 1. ovog člana (Obrazac za cijenu ponude SP-OJ04-KN-05-25/19 – Anex III) priložen je ovom ugovoru i predstavlja njegov sastavni dio.

Član 2.

Ugovorna vrijednost robe iz člana 1. ovog ugovora bez PDV-a iznosi: **9.998,76,00 KM** (slovima: devethiljadadevetstotina devedesetosam i 76/100 KM), a jedinične cijene su fiksne i neće se mijenjati u toku trajanja ovog ugovora.

Član 3.

Prodavac će robu iz člana 1. isporučiti, izvršiti ugradnju i puštanje u rad prema zahtjevima Kupca u roku od 30 dana od dana potpisivanja ugovora i isporučene narudžbe kupca, nakon čega će Kupcu isporučiti i svu dokumentaciju koja se odnosi na robu iz člana 1. ovog ugovora (tehnička dokumentacija za ugrađenu opremu, uputstva za upotrebu i zapisnici o primopredaji, projekti izvedeniog stanja i sl.).

Nakon izvršene isporuke, ugradnje, a prije puštanja u rad robe iz člana 1. ovog ugovora, Prodavac je u obavezi da izvrši obuku za rad na istoj, za četiri zaposlenika Kupca.

Prodavac jamči Kupcu garantni period za robu iz člana 1. ovog ugovora u trajanju od 12 mjeseci od dana puštanja u rad.

U slučaju kvarova opreme iz člana 1. ovog ugovora Prodavac je dužan za vrijeme garantnog roka u roku od 24 sata zamijeniti neispravnu opremu.

Ugovorne strane su saglasne da se kvalitativni i kvantitativni prijem isporučene robe izvrši od strane ovlaštenih predstavnika svake ugovorne strane.

Član 4.

Kupac i Prodavac usluga ugovaraju sljedeće ovlaštene predstavnike za kontakt i koordinaciju isporuke, ugradnje i puštanja u rad opreme sistema tehničke zaštite iz člana 1. ovog ugovora:

Ispred Kupca:

- Odgovorno lice za fizičku i tehničku zaštitu g-din. mr. Nihad Subašić, tel.033 568-168 lok.168, fax. 033 225-260, mob. 061 377-799, e-mail: nsubasic@sarajevogas.ba,

- Vodeći tehničar tehničke zaštite g-din. Babić Edin, tel. 033 568 119, fax. 033 225-260, mob. 062 675-353, e-mail: ebabic@sarajevogas.ba, je kontakt osoba u odsustvu g-dina. Nihada Subašića.

Ispred Prodavca:



- Odgovorno lice za fizičku i tehničku zaštitu Prodavca usluga g-da Selvija Ramović, tel. 033 715-355, fax. 033 664-483, mob. 062 528-241, e-mail: info@swordsecurity.ba,
- G-din Zubanović Damir: 033 715-355, fax. 033 664-483, mob. 061 035-563, e-mail: damir.zubanovic@swordsecurity.ba je kontakt osoba u odsustvu g-de Selvije Ramović,
- G-din Ibrulj Jasmin, tel. 033 715-355, fax. 033 664-483, mob. 061 200-176, e-mail: jasmin.ibrulj@swordsecurity.ba.

Član 5.

Prodavac će obračun isporučene robe, vršiti po jediničnim cijenama iz priloga ovom Ugovoru. Kupac će plaćanje izvršiti u roku od 30 dana nakon prijema, ugradnje i puštanja u rad robe, kao i ostalih poslova iz člana 3 ovog ugovora, te uredno ispostavljene fakture na transakcijski račun Prodavca naveden na fakturi.

Član 6.

Kupac i Prodavac se neće smatrati odgovornima za zakašnjenje u ispunjenju obaveza prema ovom Ugovoru, neposredno ili posredno, ako je zakašnjenje uslijedilo usljed više sile. Pod višom silom podrazumijevaju se slučajevi koji se mogu pojaviti poslije stupanja ugovora na snagu, a koji nisu pod kontrolom ni jedne ugovorene strane, niti se objektivno mogu predvidjeti, a sprječavaju jednu ili obje ugovorne strane u izvršenju njihovih ugovornih obaveza.

Član 7.

Prodavac nije ovlašten da zaključuje podugovore sa drugim licima u cilju realizacije ugovornih obaveza bez predhodnog pismenog odobrenja Kupca.

Član 8.

Prodavac je u obavezi da u roku od 30 dana nakon dobivanja narudžbe od Kupca izvrši isporuku, ugradnju i puštanje u rad tražene opreme. Za svaki dan kašnjenja u isporuci Kupac će zaračunati penale u iznosu od 1%, s tim da ukupan iznos penala ne može biti veći od 5% ukupne vrijednosti ugovora.

Član 9.

Ukoliko Kupac u ugovornom roku iz člana 4. ovog ugovora ne plati cijenu za isporučenu robu, obavezan je Prodavcu isplatiti i zateznu kamatu u skladu sa zakonom i drugim propisima koji uređuju ovaj institut.

Član 10.

Obaveza je Prodavaca da čuva sve podatke do kojih je došao tokom realizacije ugovora, a koji se tiču opreme i podataka Kupca, u skladu sa načinom čuvanja poslovne tajne.

Član 11.

Ovaj ugovor se zaključuje na period od potpisa ugovora do ispunjenja njegove svrhe ali ne duže od 1 (jedne) godine. U slučaju raskida ugovora, ugovorna strana koja traži raskid ugovora obavezna je da o svojoj namjeri obavijesti drugu ugovornu stranu sa otkaznim rokom od 30 (trideset) dana.

Član 12.

Ugovorne strane su saglasne da prodavac neće zapošljavati, odnosno angažovati fizička i pravna lica koja su učestvovala u pripremi tenderske dokumentacije ili bili angažovani kao članovi ili stručna lica u Komisiji za nabavke. Ograničenja u smetnji iz stava 1. ovog člana traju 6 (šest) mjeseci od dana zaključivanja ugovora.



Član 13.

Na sve odnose i institute koji nisu navedeni u ugovoru, a pojave se prilikom realizacije, primjenjivaće se odgovarajuće odredbe Zakona o obligacionim odnosima.

Član 14.

Ovaj Ugovor stupa na snagu danom potpisivanja od strane obje ugovorene strane, a sačinjen je u 5 (pet) istovjetnih primjeraka, od kojih Kupcu pripada 3 (tri) primjerka a Prodavcu 2 (dva) primjerka.

Član 15.


Sve nesporazume do kojih dođe u realizaciji ovog Ugovora, a koji se ne mogu riješiti u duhu dobrih poslovnih odnosa, rješavaće nadležni sud u Sarajevu.

Za Prodavca:

Direktor 
Dijana Dalipagić Younis

Broj i datum ugovora, 0440/U-10/19
11.10.2019.

Za Kupca:

Direktor preduzeća 
Mr.sc. Nihada Glamoč, dipl.ing.maš.

Izvršni direktor 
Mr. Mehmed Mehović, dipl.oec.

Broj i datum ugovora, 198/19
07-10-2019

